

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 7/10 i 3/23), na prijedlog Ministarstva unutrašnjih poslova, Vlada Zeničko-dobojskog kantona, na 73. sjednici, održanoj dana 21.03.2025. godine, d o n o s i:

ZAKLJUČAK

I.

Usvaja se Informacija o stanju popunjenosti policijskih službenika u Upravi policije Ministarstva unutrašnjih poslova, broj: 08-2-06/2-30-1-618/25. od 12.03.2025. godine, koja čini sastavni dio ovog Zaključka.

II.

Zadužuje se Ministarstvo unutrašnjih poslova i Uprava policije Ministarstva unutrašnjih poslova, svako u okviru svojih nadležnosti, da poduzmu aktivnosti oko povećanja broja sistematizovanih radnih mjesta policijskih službenika kako je to predloženo u Informaciji iz tačke I ovog Zaključka.

III.

Zaključak stupa na snagu danom donošenja.

Broj: 02-_____/25
Datum, 21.03.2025. godine
Zenica

PREMIJER

Nezir Pivić

DOSTAVLJENO:

1x Ministarstvo unutrašnjih poslova
1x Uprava policije, putem Ministarstva,
1x a/a.



Broj: 08-02-06/2-30-1-618-____/25.

Datum: 13.03.2025. godine

MINISTARSTVO UNUTRAŠNJIH POSLOVA
ZENIČKO-DOBOJSKOG KANTONA
ZENICA

PREDMET: Informacija o stanju popunjenosti policijskih službenika u Upravi policije
Ministarstva unutrašnjih poslova Zeničko-dobojskog kantona, dostavlja se.-

U prilogu akta dostavljamo vam Informaciju o stanju popunjenosti policijskih službenika u Upravi policije
Ministarstva unutrašnjih poslova Zeničko-dobojskog kantona, broj: 08-2-06/2-30-1-618/25. od 12.03.2025.
godine, te tražimo da predmetnu informaciju h i t n o uputite na Vladu Zeničko-dobojskog kantona, kako bi
mogli dobiti saglasnost Vlade za proširenje postojeće sistematizacije.

S poštovanjem,

Prilog:

- 1x Informacija o stanju popunjenosti policijskih službenika u Upravi policije Ministarstva unutrašnjih
poslova Zeničko-dobojskog kantona, broj: 08-2-06/2-30-1-618/25. od 12.03.2025. godine,
- 1x Fco. dopisa Stručne službe Skupštine Zeničko-dobojskog kantona broj: 01-03-2440-2/25 od
14.02.2025. godine sa prilogom: Izvještaj Komisije za nadzor rada policije od 13.02.2025. godine.

POLICIJSKI KOMESAR
GENERALNI INSPEKTOR POLICIJE

ADMIR GAZIĆ

Dostavljeno:

- 1x Naslovu,
- 1x a/a.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO UNUTRAŠNJIH POSLOVA
MINISTARSTVO UNUTARNJIH POSLOVA
UPRAVA POLICIJE
ZENICA

INFORMACIJA
*o stanju popunjenosti policijskih službenika u Upravi policije Ministarstva
unutrašnjih poslova Zeničko-dobojskog kantona*

Zenica, mart, 2025. godine

**INFORMACIJA O STANJU POPUNJENOSTI POLICIJSKIH SLUŽBENIKA
U UPRAVI POLICIJE MINISTARSTVA UNUTRAŠNJIH POSLOVA
ZENIČKO-DOBOJSKOG KANTONA**

Prema Pravilniku o unutrašnjoj organizaciji Ministarstva unutrašnjih poslova Zeničko-dobojskog kantona, broj: 08-01-02-1-4-7/19 od 01.02.2019. godine, broj: 08-01-02/2-02-1-2022-1/19 od 21.05.2019. godine, broj: 08-01-02/2-02-1-2724-2/22 od 25.10.2022. godine i broj: 08-01-02/2-02-1-1548-4/23 od 23.06.2023. godine, koji se primjenjuje od 01.04.2019. godine, Uprava policije je, shodno Zakonu o unutrašnjim poslovima Zeničko-dobojskog kantona („Službene novine Zeničko-dobojskog kantona“, broj: 13/18, 6/19, 22/19, 21/20, 10/21, 8/23 i 1/25), sistematizovana kao Uprava u sastavu Ministarstva unutrašnjih poslova Zeničko-dobojskog kantona.

Navedenim Pravilnikom o unutrašnjoj organizaciji Ministarstva unutrašnjih poslova Zeničko-dobojskog kantona, tačnije članom 45. stav (2) propisano je: " Ukupan broj sistematizovanih radnih mjesta policijskih službenika je 1235."

Od ukupnog broja sistematizovanih radnih mjesta policijskih službenika, trenutno je nepopunjeno 337 radnih mjesta policijskih službenika, zbog čega je znatno otežano obavljanje osnovnih operativnih aktivnosti Uprave policije.

Odredbom člana 42. stav (1) Zakona o policijskim službenicima Zeničko-dobojskog kantona-Prečišćeni tekst ("Službene novine Zeničko-dobojskog kantona", broj:4/14), propisano je da policijski službenik pristupa policijskom organu u činu policajac (kao prvi nivo pristupanja za kandidate sa najmanje IV stepenom stručne spreme) i u činu mlađeg inspektora (kao drugi nivo pristupanja za kandidate sa najmanje završenim prvim ciklusom visokog obrazovanja 180 ECTS bodova ili VI stepenom stručne spreme). Policijski službenik stiče svoj sljedeći čin kroz unapređenje u skladu sa Zakonom.

S ciljem osiguranja blagovremenog i kontinuiranog izvršavanja poslova, od strane Uprave policije Ministarstva unutrašnjih poslova, po osnovu javnog konkursa koji je bio objavljen 08.06.2023. godine, provedena je procedura za prijem 100 (stotinu) policijskih službenika u činu policajac, koji od 01. aprila 2025. godine trebaju početi sa radom. U toku je praktična obuka kadeta, kao završna faza stručnog obrazovanja policijskih službenika.

Također, dana 26.08.2024. godine, Uprava policije je raspisala javni konkurs za prijem 118 (stotinu osamnaest) policijskih službenika, od čega 100 (stotinu) u činu policajac i 18 (osamnaest) u činu mlađi inspektor. Navedena konkursna procedura još nije okončana obzirom da su u toku sigurnosne provjere koje vrši Državna agencija za istrage i zaštitu (SIP-a). Nakon izvršenih provjera odabrani kandidati će biti upućeni na pohađanje osnovne policijske obuke na Policijskoj akademiji FMUP-a.

Po uspješnom završetku osnovne obuke, zaključenjem ugovora o radu policijski komesar će rasporediti kadeta na radno mjesto policajac ili mlađi inspektor, krajem 2025. godine.

Iako sa radom do kraja 2025. godine treba početi 218 novih policijskih službenika, 200 u činu policajac i 18 u činu mlađi inspektor, broj sistematizovanih radnih mjesta policijskih službenika neće biti popunjen, obzirom da će i dalje nedostajati 119 policijskih službenika.

Pored smanjenog broja radnih mjesta policijskih službenika, nastalu situaciju dodatno otežava i podatak da u 2025. godini uslove za odlazak u penziju ispunjava 76 policijskih službenika, a u 2026. godini uslove ispunjava 257 policijskih službenika, od čega će većina biti penzionisana u prvoj polovini 2026. godine.

U smislu navedenog, ističemo i činjenicu da policijski službenici odlaze u penziju uglavnom sa višim činom u odnosu na čin policajac.

Radi popune tih radnih mjesta, Uprava policije će morati pokrenuti postupak unapređenja za sve činove, sa izuzetkom početnih činova.

Kroz postupak unapređenja policijski službenici u početnom činu (činu policajac i činu mlađi inspektor) će steći svoj sljedeći čin.

Unapređenje policijskog službenika u viši čin vrši se isključivo prema proceduri propisanoj Zakonom o policijskim službenicima Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 4/14, 2/18 i 1/25) i Pravilnikom o proceduri za unapređenje policijskih službenika, broj: 08-01/1-02-1-7625/07 od 27.11.2007. godine.

Postupak popunjavanja radnih mjesta policijskih službenika je kompleksan i dugotrajan proces koji zahtijeva određeno vrijeme potrebno za provođenje konkursne procedure, obuku, osposobljavanje za samostalan rad i zakonom propisano vrijeme provedeno u prethodnom činu, kao i ispunjavanje drugih uslova propisanih zakonom.

Dakle, odabrani kandidati se, po okončanju prijema, upućuju na osnovu policijsku obuku koja za čin policajac traje sedam mjeseci, a za čin mlađi inspektor četiri mjeseca. Nakon toga probni period rada za policijske službenike traje 12 mjeseci, tako da odabrani kandidati neće biti samostalni za rad nakon prijema, jednu godinu i sedam mjeseci za čin policajac, odnosno jednu godinu i četiri mjeseca za čin mlađi inspektor.

Stoga, Uprava policije zbog složene procedure prijema i obuke policijskih službenika, neće moći pratiti proces odlaska policijskih službenika u penziju u 2025. i 2026. godini, obzirom da ne može pokrenuti konkursnu proceduru za prijem novih policijskih službenika sve dok su radna mjesta, policijskih službenika koji trebaju biti penzionisani, popunjena.

Kako se postupak popunjavanja radnih mjesta policijskih službenika u viši čin provodi putem postupka unapređenja, dodatno će se povećati potreba za policijskim službenicima u činu policajac, kao prvi nivo, i činu mlađi inspektor, kao drugi nivo, pristupa policijskom organu.

Tabelarni pregled nedostajućeg broja policijskih službenika, prikaz kroz faze popunjavanja i odlaska u penziju:

- 337	Broj trenutno nepopunjenih radnih mjesta policijskih službenika po važećoj sistematizaciji.
+ 100	Broj policijskih službenika, u činu policajac, koji trebaju početi sa radom od 01.04.2025. godine.
+118	Broj kandidata za policijske službenike u činu policajac (100 kandidata) i u činu mlađi inspektor (18 kandidata) za koje je konkursna procedura u završnoj fazi i pripremaju se za odlazak na Policijsku akademiju FMUP-e, trebaju početi sa radom krajem 2025. godine.
- 76	Broj policijskih službenika koji u 2025. godine ispunjavaju uslove za odlazak u penziju.
- 195	Broj nepopunjenih radnih mjesta policijskih službenika na dan 31.12.2025. godine.
- 257	Broj policijskih službenika koji do polovine 2026. godine ispunjavaju uslove za odlazak u penziju.
- 452	UKUPAN BROJ NEDOSTAJUĆIH POLICIJSKIH SLUŽBENIKA U 2026. GODINI.

Od strane Komisije za nadzor rada policije na 32. sjednici, održanoj dana 13.02.2025. godine, donesen je Zaključak kojim se daje puna podrška za hitno proširenje sistematizacije radnih mjesta Uprave policije kako bi se blagovremeno omogućio prijem novih policijskih službenika, iz razloga odlaska u narednom periodu većeg broja policijskih službenika u penziju.

S ciljem poduzimanja osnovnih operativnih aktivnosti Uprave policije, a imajući u vidu navedene podatke o nedostajućem broju policijskih službenika, kao i činjenicu da je procedura prijema i osposobljavanja policijskih službenika složena i dugotrajna, neophodno je proširiti postojeću sistematizaciju Uprave policije za minimum 120 radnih mjesta policijskih službenika i to 100 radnih mjesta u činu policajac i 20 radnih mjesta policijskih službenika u činu mlađi inspektor.

Proširenjem sistematizacije za 120 novih radnih mjesta Budžet Zeničko-dobojskog kantona neće biti dodatno opterećen, obzirom da i pored predloženog povećanja radnih mjesta za policijske službenike veći broj sistematizovanih radnih mjesta neće biti popunjen, te će u Upravi policije, i dalje, nedostajati više od 200 policijskih službenika.

Postojeću sistematizaciju Uprave policije je neophodno proširiti samo za prelazni period od 2025. do 2026. godine, obzirom da će u tom periodu 333 (76 + 257) policijska službenika ispuniti uslove za odlazak u penziju.

Kako bi pratili standarde Europske policije po broju sistematizovanih policijskih službenika već početkom 2027. godine bi se mogla izvršiti izmjena Pravilnika o unutrašnjoj organizaciji Ministarstva unutrašnjih poslova Zeničko-dobojskog kantona, na način da se smanji broj sistematizovanih radnih mjesta policijskih službenika i ponovo vrati na broj od 1235 radnih mjesta policijskih službenika, kako je utvrđeno trenutnom sistematizacijom.

Shodno izloženom, smatramo da je osnovan dati prijedlog za proširenje postojeće sistematizacije za minimalan broj radnih mjesta policijskih službenika, i to 100 radnih mjesta policijskih službenika u činu policajac i 20 radnih mjesta policijskih službenika u činu mlađi inspektor, kako ne bi bile dovedene u pitanje operativne aktivnosti Uprave policije.

Broj: 08-02-06/2-30-1-618/25.

Datum: 12.03.2025. godine

POLICIJSKI KOMESAR
GENERALNI INSPEKTOR POLICIJE

ADMIR GAZIĆ